

Bahmaj: Eu Fwen Senhconz Cibbet Daih Cingsaenz

巴马：唱山歌宣传十八大精神

Vih dawz dangj Cibbet Daih cingsaenz cienz daengz gyoengq ginzchung lajmbanj, geij ngoenz gonq, Bahmaj Yauzczuz Swciyen iucingj gyoengq canghfwen Dunghlanz Yen daeuj daengz Bahmaj Yauzczuz Swciyen Bahmaj Cin Mbanjbaqcwz gawjhengz hoihfwen, yungh gij Fwencuengh gyoengqvunz gyaez dingq sing sug haenx, gejdooeg caeuq senhconz dangj Cibbet Daih cingsaenz. Youq gwnz hoihfwen, gyoengq cangh fwen yungh gij gamjingz gikdoengh haenx, gij sing fwen seuqset haenx, senhconz dangj Cibbet Daih cingsaenz, danq dangj cwngcwz leih minz, danq gak hangz gak nieb guh ndaej cingzciik hung, lij yungh singfwen cienz gangj nungzyez swnghcanj cihsiz. Fwencuengh doengsug heih rox, dawz dangj Cibbet Daih cingsaenz cienz daengz sim daengz uk gyoengq bouxminz, gienjhwngj gij angqcingz gyoengq bouxminz lajmbanj hagsib dangj Cibbet Daih cingsaenz.

(Moz Sangvwnz)



▲ Gyoengq canghfwen youq gwnz hoihfwen eu fwen.

► Boux canghfwen langhsing eu fwen.



Yunghningz: Beixnuengx Boux-cuengh Angq Hoh Cietlabbet

邕宁：壮族群众欢庆腊八节

Cietlabbet youh daeuj daengz lo. 1 nyied 19 hauh dwg liggaueq ngoenz cietlabbet, youq Nanzningz Si Yunghningz Gih Bujmyau Cin, gyoengq beixnuengx Bouxcuengh doxcomz youq ndaw suenmak gvangqlangh haenx, gawjhengz gij hozdung miz Bouxcuengh fungsug daegsaek haenx, gyoengqde ciengq go diuq foux, angq hoh cietlabbet.



▲ Gyoengq ginzchung youq Bujmyau Cin yienj 《Gwih Dingjmax》

Yizcouh:

Yinzhangz Bang Mehmbwk Cangyez

宜州：银行扶持妇女创业见成效

Yizcouh Si Nungzyez Yinzhangz caeuq dangdieg fulenz gaemfwngz, haibanh aen ciq-ngaenz cangyez yezvu he, cienmonz ciq ngaenz hawj mehmbwk lajmbanj dangdieg, bang gyoengqde cangyez. Song bi daeuj, yinzhangz gaenq ciqngaenz 5313 fanh maenz hawj 1076 boux mehmbwk lajmbanj guh cangyez, gyoengq mehmbwk neix miz ngaenz le caiq baengh gij bonjsaeh dajndaem dajciengx swheij, byaij hwngj le diuzloh fouqgmiz.

(Vangz Limouz)

Cunghgoz Yauzczuz Vangj Caencingz Gvensim Lwghag Ndaw Bya

中国瑶族网真情关爱大化瑶山学子



▲ Yauzczuz Vangj gyoengq boux miz simgyaez haenx soengq “raeujrub” hawj hagseng Lungjhan Siujyoz.

Geij ngoenz gonq, Cunghgoz Yauzczuz Vangj 8 boux vangjyouj caeuq boux miz simgyaez haenx dingj nit soemh fwn bae daengz Dava Yauzczuz Swciyen Gyanghnanz Yangh Fazdangz Siujyoz, soengq denz, buhvaq, mauh, madfwngz daengj doxgaiq hawj hagseng. Bi' gvaq 12 nyied, gyoengqde gaenq soengq 2 fanh lai maenz ngaenz gaiqdaenj gaiqyungh hawj aen yangh neix Cangmeiz Siujyoz caeuq Lungjhan Siujyoz hagseng, sawj lwghag saujsu minzcuz ndaw bya youq ngoenzdoeng nityat neix gamjdaengz raeujrubrub.

Cunghgoz Yauzczuz Vangj gvensim gwndaenj caeuq hagsib lwghag dieg Yauzczuz, gyoengqde aeu saedcaeq hengzdoengh daeuj senhconz le gij hong minzcuz doxgiet doxhuz haenx.

(Vangz Vwnzboh)

Fuconh: Conhgyah Daengz Suenmak Son Gisuz

富川：专家果园传授技术

Mboengqneix, aenvih Fuconh Yauzczuz Swciyen doek nae giet mwi lai, vihliux mbouj hawj bouxdaemmak deng sonjsaet, Yen Yinzvuj Bu lienzhah cujciiz Yen Nungzyez Giz, Yen Gunghsanghgz, Yen Suijgoj Bangunghsiz daengj danhvei bumwnz doengh boux gisuz conhgyah dingj nit bae daengz ndaw suenmak, son gisuz fuengzre naefiengz haih gomak, gisiz guenjieix gomak hawj gyoengq bouxdaemmak caeuq gyoengq minz-bingh, ndaej daengz gyoengq bouxdaemmak haenh ndei.

(Cenz Yengiz Banh Saubinh)



▲ Gisuz conhgyah youq ndaw suenmak son gisuz ganq gomak.